

Cyngor Tref Frenhinol Caernarfon

Cofnodion y Pwyllgor Gwaith, 28/09/21 – Cyfarfod Rhithiol

Yn bresennol:

Y Cyngorwyr A.Hopcyn, D.L.Jones, C.Larsen (Cadeirydd), I.C.Thomas, R Thomas, C.Williams

1. Ymddiheuriadau

Dim

2. Datgan Buddiant Personol

Dim

3. Eitemau Brys (Cadeirydd/Clerc)

Dim

4. Gwaith Amrywiol

Cynhaliwyd trafodaeth ac adolygu'r sefyllfa o ran y canlynol:

- **Swyddog Cynnal a Chadw**

Llongyfarchwyd y Cyngor Tref ar y gwaith o ran codi sbwriel ac o ran torri gwair a gofynnwyd i'r Clerc basio'r neges i'r Swyddog Cynnal a Chadw.

- **Chwyn**

Nodwyd fod y sefyllfa wedi gwella o ran chwyn, a beth sy'n bwysig yw beth rydym yn ei wneud y flwyddyn nesaf, hynny yw y dylid chwistrellu ym mis Mai yn ytrach nag ym mis Gorffennaf. Yn ogystal roedd angen trafodaeth buan o ran y "deep clean".

Penderfynwyd gofyn i'r Clerc drefnu cyfarfod efo'r Cadeirydd, Cyngor Gwynedd a Hwb i drafod materion fel y trefniadau ar gyfer ymdrin â chwyn y flwyddyn nesaf a'r Cytundeb Lefel Gwasanaeth rhwng Hwb a Chyngor Gwynedd o ran y "deep clean" (unfrydol).

- **Llochesi Bysus**

Nodwyd bod gwaith ar lochesi newydd efo sgriniau CGI ar waith yn Waterloo Port a Lôn Campbell.

O ran llochesi'r Cyngor Tref nad oedd gwaith atgyweirio angen ei wneud dim ond gwaith glanhau i'r Swyddog Cynnal a Chadw.

Penderfynwyd gofyn i'r Clerc a'r Cynghorydd Ioan C. Thomas gysylltu efo Cyngor Gwynedd er mwyn cael gwared â'r graffiti sarhaus ar y lloches bws ger yr Empire (unfrydol).

5. Casglu Sbwriel

Cyflwynwyd adroddiad gan y Clerc ar gasglu sbwriel.

Nodwyd:

- (1) Yn y cyfarfod o'r pwyllgor hwn a gynhaliwyd ar y 13eg o Orffennaf cyflwynwyd gohebiaeth oedd wedi dod i law gan Sioned Huws o ran casglu sbwriel, a phenderfynwyd:

“(1) Gofyn i'r Clerc ymgynnull Grŵp Tasg a Gorffen i edych ar yr argymhellion yn yr ohebiaeth, gan ddod ag argymhellion i'r cyfarfod nesaf.

(2) Y dylai'r Grŵp Tasg a Gorffen gynnwys y Cadeirydd, Is-gadeirydd, Y Cynghorydd Ann Hopcyn, y Clerc, Sioned Huws, Cheryl o Tesco ac Alison o Morrisons.”

- (2) Erbyn hyn roedd y Grŵp Tasg a Gorffen wedi cyfarfod dwy waith a nodir y pwyntiau gweithredu / syniadau isod.

Cyfarfod 17eg o Awst:

- Angen cysylltu efo busnesau er mwyn codi ymwybyddiaeth, a gofyn iddynt wneud mwy o ran lleihau sbwriel.
- Y dylai'r Cyngor Tref edrych i mewn i fod yn dref di-blastig.
- Gwahodd cynrychiolydd o Gyngor Gwynedd i'r cyfarfod nesaf.
- Gwahodd cynrychiolydd o Costa, McDonalds ac Asda i'r cyfarfod nesaf.
- Gwahodd cynrychiolydd o'r Galeri i'r cyfarfod nesaf.
- Nodwyd yr angen i gydweithio efo Ysgol Syr Hugh Owen, yn benodol o ran cwrs y Bagoloriaeth (mae modiwl yn y cwrs o'r enw Menter Dinasyddiaeth).

Cyfarfod 15fed o Fedi:

- Neges eisoes wedi ei roi i'r Arweinwyr Tîm yng Nghyngor Gwynedd mai i'r Cyngor Tref mae Ken yn gweithio iddo
- Angen ystyried y posibilrwydd o dreialu casgliadau sbwriel fin nos
- Angen defnyddio be mae Ken yn sylwi arno ac anfon y dystiolaeth at Steffan
- Angen trefnu cyfarfod rhwng Ken / Arweinydd Tîm / Peter / Sion

- Roedd yn anodd i Gyngor Gwynedd ganfod staff wrth gefn (“relief”)
- Y dylid ystyried defnyddio mwy o Orfodaeth a rhoi dirwyon allan i'r rhai oedd yn amharchu'r dref
- Angen gweithio efo busnesau ac ysgolion. Cyn Covid roedd Cyngor Gwynedd efo trelar yn mynd o amgylch ysgolion
- Roedd Steffan am anfon manylion Bangor di-blastig i Sion
- Yr angen i gydlynu biniau / casglu sbwriel. Yn y lleoedd mwyaf problemus, e.e. strydoedd mwyaf cul, byddai'n gymorth os byddai'r tîm glanhau yn dilyn y cerbyd casglu mor agos wedi'r drefn casglu â phosib
- Yr angen i leihau'r costau trwy gael pobl i ystyried eu cyfrifoldebau
- Dechrau ar y gwaith o ran Caernarfon di-blastig – edrych os oedd ymarfer dda yn rhywle arall?
- Angen ymgyrch fawr a dyddiad lansio'r flwyddyn nesaf
- Cysylltu efo Cwmni'r Frân Wen a Malcolm Allen i fod yn llais i'r ymgyrch
- Yr angen am lythyr i fusnesau i ofyn iddynt leihau gwastraff plastig
- Roedd cymunedau glan a thaclus yn flaenoriaeth gan Gyngor Gwynedd
- Gangiau Cymunedol – oes cyfle i ail-gyflwyno'r math yma o ddarpariaeth?
- Y Cyngor Tref i edrych ar gynhyrchu pamffled efo cyngor o ran sut i leihau plastig

Nodwyd ymhellach bod angen gofyn i fusnesau beth oeddynt hwy yn ei wneud, bod Gorfodaeth yn bwysig ac y dylai unrhyw bamffled a gynhyrchir fod yn electronig yn hytrach nag ar bapur.

Nodwyd ymhellach y dylid holi Cyngor Gwynedd os oes posibilrwydd i osod biniau clyfar yng Nghaernarfon.

Penderfynwyd gofyn i'r Clerc anfon Cynllun Gweithredu i wireddu'r pwyntiau bwled uchod at y Cadeirydd a'r Is-gadeirydd (unfrydol).

6. Offer ar gyfer Caeau Chwarae

Cyflwynwyd adroddiad llafar y Clerc yn rhoi diweddariad ar yr uchod.

Nododd y Clerc mai dyma'r sefyllfa ddiweddaraf o ran yr offer unigol:

- Parc Stryd Santes Helen – Mainc Penrhyn – roedd Cyngor Gwynedd dal yn disgwyl i GL Jones orffen y meinciau, unwaith fydd hyn wedi digwydd, byddent yn trefnu i'w gosod.
- Parc yn Dre - Bwrdd Picnic - Cyngor Gwynedd wedi gwrthod y cynnig gan nad ydynt yn rhoi byrddau picnic yn eu meysydd chwarae oherwydd y problemau mae'n gallu ei greu, yn enwedig gyda phlant

hŷn yn ymgynnull yn hwyrach yn y dydd, yn creu llanast ac ar adegau yfed cwrw a gadael sbwriel.

- Parc ger Bron y Garth – y Clerc wedi cadarnhau efo Cyngor Gwynedd fod lle i fainc arall yno
- Cae Chwarae Bro Helen – angen trafod mainc ymhellach

Penderfynwyd (unfrydol) nodi'r wybodaeth, a gofyn i'r Clerc:

- (1) Drafod ymhellach efo Cyngor Gwynedd o ran gosod mainc, yn hytrach na bwrdd, yng Nghae Chwarae Bro Helen.**
- (2) Edrych ar y sefyllfa mewn parciau fel Cae Glyn.**
- (3) Edrych ar Fwrdd Cyfathrebu ym Mharc Coed Helen.**
- (4) Datgan wrth Gyngor Gwynedd y dylai'r gwaith gael ei gwblhau, a'r arian wedi ei wario, cyn y flwyddyn nesaf.**

7. Arwyddion Croeso i Gaernarfon

Cyflwynwyd adroddiad y Clerc ar yr opsiynau o ran yr uchod.

Nodwyd:

- (1) Bod 7 arwydd croeso i Gaernarfon, ar y prif ffyrdd i mewn i'r dref a hefyd yn yr orsaf fysiau, a bod un o'r arwyddion wedi diflannu.
- (2) Lleolir yr arwyddion yn:

Ffordd Waunfawr
Muriau Park
Ffordd Bangor
Ffordd Llanberis (Cibyn)
Ffordd Bethel
Gorsaf Fysiau x2

- (3) Nad yw'r gwaith celf gwreiddiol gyda ni ac felly ar gais y pwyllgor mae swyddogion y Cyngor wedi derbyn pris a phroflen am arwydd newydd. Mae angen penderfynu ar broflen a phenderfynu os mai trwsio un arwydd yn unig ydi'r dymuniad neu newid y saith arwydd er mwyn cysondeb ac fel rhan o adnewyddu achlysurol.
- (4) Y briff gwreiddiol oedd cysoni'r arwyddion gyda'r gwefan i greu delwedd fwy corfforaethol. Felly mae proflen 1 yn dilyn templed y gwefan a hefyd yn defnyddio'r llun mwyaf addas oddi ar y gwefan. Byddai angen tal trwyddedu ychwanegol o £47.99 i brynu trwydded "extended" ar gyfer y llun gan ei fod am gael ei weld mwy na 500,000 o weithiau.
- (5) Gellir gweld y telerau cyfreithiol ar gyfer defnyddio'r llun yn fan hyn <https://stock.adobe.com/in/license-terms>.
- (6) Bod swyddogion y Cyngor yn credu bod trwydded "extended" yn ddigonol ar gyfer y defnydd arfaethedig, ond mae Adobe wedi gwrthod cadarnhau hyn.
- (7) Felly gwnaed ymholiadau gyda Panorama am lun, ac mae proflen 2 yn defnyddio'r llun yma. Cost trwydded ar gyfer y llun yma ydi £150. Mae'r ffotograffydd wedi cadarnhau hawl i'w ddefnyddio at y pwrpas

arfaethedig a hefyd at unrhyw bwrpas arall yr hoffai'r Cyngor ei ddefnyddio.

	Cost Trwyddedu	Cost prynu a gosod un arwydd. (cost fesul arwydd gan gynnwys cost trwyddedu)	Cost prynu a gosod saith arwydd (cost fesul arwydd gan gynnwys trwyddedu)
Proflen 1	£47.99	£230 (£278)	£1260 (£187)
Proflen 2	£150	£230 (£380)	£1260 (£202)

(8) Y codwyd y cwestiwn gan y Pwyllgor Gwaith o ddefnyddio logo safle treftadaeth y byd ar yr arwyddion. Mae'r logo yn cael ei reoli yn dynn ac mae'r broses o gael caniatâd i'w ddefnyddio yn araf. Mae cais (a phroflenni) wedi ei ddanfôn at UNESCO yn gofyn am ganiatâd. Mae angen penderfyniad a ydym am ei defnyddio neu beidio os daw caniatâd. Heb ganiatâd ni fyddwn yn gallu defnyddio'r logo.

Penderfynwyd (unfrydol):

- (1) Y dylid newid yr holl arwyddion.
- (2) Y dylid disgwyl am y penderfyniad o ran defnyddio logo safle treftadaeth y byd, hyd yn oed os fydd hyn yn cymryd amser, gan fod cael defnydd o'r arwydd yn bwysig.
- (3) Y dylid edrych ar opsiynau eraill ar gyfer yr arwyddion, er enghraifft mwy neu arwyddion heb lun o gwbl a dod ag opsiynau yn ôl i'r pwyllgor hwn.

8. Cau Allan y Wasg a'r Cyhoedd

Penderfynwyd cau allan y wasg a'r cyhoedd o'r cyfarfod yn ystod y drafodaeth ar yr eitem ganlynol gan ei fod yn debygol y datgelir gwybodaeth eithriadig fel y'i diffinnir yn Rhan 4, Atodlen 12A, Deddf Llywodraeth Leol 1972.

9. Parc Coed Helen

Cyflwynwyd adroddiad llafar y Clerc yn adrodd ar y sefyllfa ddiweddaraf.

Nodwyd:

- (1) Bod Cyngor Gwynedd bellach wedi rhyddhau'r ddogfennaeth i'n cyfreithiwr ni, ac rydym yn aros iddo wirio a chwblhau dogfennau i'w cynnig i'r holl rhanddeiliaid.
- (2) Bu i Adran Gyfreithiol Cyngor Gwynedd lusgo eu traed am wyth mis, a bod oedi wedi bod o ran ein Cyfreithiwr ni hefyd.
- (3) Bod Gwynedd wedi rhoi rhybudd i adael y tŷ ac i adael swydd i Ofalwr y parc cyn bod y gwaith papur trosglwyddo wedi ei gwblhau a'i

gyflwyno i'r Cyngor Tref, er eu bod wedi cytuno nad oedd gwneud hyn yn syniad da ac wedi penderfynu aros.

- (4) Eu bod wedi rhoi dechrau Ionawr fel dyddiad diweddu swydd a thenantiaeth.
- (5) Bod Cyngor Gwynedd wedi gofyn a fyddwn ni yn fodlon trefnu cyfarfodydd brys o'r Cyngor Tref i'w cynorthwyo efo'r sefyllfa roeddynt wedi ei greu.

Nododd y Clerc ei fod yn teimlo na ddylid brysio'r gwaith am y rhesymau canlynol:

- Nid staff y Cyngor nac amserlen y Cyngor ydi'r gwir oedi - ond aros am gyfreithwyr a tydi mwy o gyfarfodydd Cyngor ddim yn mynd i newid hwn.
- Unwaith y byddwn wedi pennu dyddiad mae angen i'r Cyngor Tref sicrhau'r capasiti i gyflawni'r gwaith sydd ar hyn o bryd yn cael ei gyflawni gan Ofalwr y parc.
- Ei bod yn well negodi gyda'r rhanddeiliaid nes bod cytundeb yn hytrach na gorfodi rhywbeth er mwyn taro ryw ddyddiad arbennig nad yw o'n dewis ni.

Bydd gan y Dirprwy Glerc gyfarfod gyda staff Gwynedd ar y 30ain o Fedi i drafod y mater.

Roedd y dogfennau wedi bod gyda'n cyfreithiwr ni ers yr 17eg o Awst ac, er cysylltu yn gyson nid oes gwybodaeth am ba hyd gymrith y gwaith. Felly mae cyfarfod wedi ei drefnu gyda'r cyfreithiwr ar y 6ed o Hydref. Nad oed unrhyw beth i'w wneud ar y prosiect yma nes fydd gennym dogfennau gan y cyfreithiwr i'w cynnig i'r rhanddeiliaid.

Penderfynwyd (unfrydol):

- (1) Datgan yn glir na all y Cyngor Tref gymryd Parc Coed Helen drosodd ym mis Ionawr 2022 am y rhesymau a amlinellir uchod.**
- (2) Dylid anelu at ddyddiad ddim hwyrach na'r 1af o Ebrill 2022 os oedd amgylchiadau'n caniatáu.**

Gorffennodd y cyfarfod am 6.55 p.m.

Arwyddwyd _____

Dyddiad _____